

BOSNA I HERCEGOVINA

VIJEĆE MINISTARA

PRIJEDLOG

ZAKON

O DOPUNAMA ZAKONA O PREKRŠAJIMA

Sarajevo, februar 2018. godine

ZAKON O DOPUNAMA ZAKONA O PREKRŠAJIMA

Član 1.

U Zakonu o prekršajima ("Službeni glasnik BiH", br. 41/07, 18/12, 36/14 i 81/15), u članu 2. stav (5) tačka se zamjenjuje zarezom i dodaju riječi: „osim ako je kažnjavanje za pokušaj izričito propisano.“

Iza stava (5) dodaje se stav (6) koji glasi:

„(6) Odredbe ovog zakona primjenjuju se na sve osobe bez diskriminacije po bilo kom osnovu, u skladu sa Zakonom o zabrani diskriminacije.“

Član 2.

U članu 29. stav (3) iza riječi: „radnih dana“ dodaju se riječi: „ako se uručenje vrši u Bosni i Hercegovini i 10 radnih dana ako se uručenje vrši van teritorije Bosne i Hercegovine,“.

Član 3.

U članu 33. u prvoj rečenici iza riječi: „novčanu kaznu“ dodaju se riječi: „i troškove platnog prometa“.

Član 4.

U članu 37. iza stava (2) dodaje se novi stav (3) koji glasi:

„(3) Sud koji primi zahtjev za pokretanje prekršajnog postupka će, u skladu s članom 34. ovog zakona, taj podatak u elektronskoj formi unijeti u prekršajnu evidenciju.“

Dosadašnji st. (3), (4) i (5) postaju st. (4), (5) i (6).

Iza stava (5) koji postaje stav (6) dodaje se stav (7) koji glasi:

(7) Ovlaštena tijela iz člana 3. stav (1) tačka a) ovog zakona mogu voditi vlastitu prekršajnu evidenciju, a sama propisuju sadržaj i način vođenja te evidencije, u skladu ovog Zakona i Zakona o zaštiti osobnih podataka ("Službeni glasnik BiH", br. 49/06, 76/11 i 89/11).

Član 5.

U članu 44. iza stava (2) dodaje se stav (3) koji glasi:

„(3) Izuzetno od stava (1) ovog člana, novčane kazne i sredstva pribavljena prodajom oduzetih predmeta za prekršaje koji su propisani Zakonom o osnovama sigurnosti saobraćaja na

putevima u Bosni i Hercegovini i drugim propisima iz oblasti sigurnosti saobraćaja na putevima, prihod su budžeta onog nivoa vlasti iz kojeg se finansira ovlašteno tijelo koje u okviru svoje nadležnosti osigurava njihovo provođenje.

Član 6.

Ovaj zakon stupa na snagu osmog dana od dana objavljivanja u "Službenom glasniku BiH".

PSBiH broj ____/18

_____ 2018. godine

Sarajevo

PREDSJEDAVAJUĆI

Predstavničkog doma

Parlamentarne skupštine BiH

PREDSJEDAVAJUĆI

Doma naroda

Parlamentarne skupštine BiH